




Georg 1073





Georgs-B.

ms. naa
ha ma
in av
mirevi
wawp
ed ug b
uimj
d unv
vrbun
pu sai
jimp
umq
um e
uans
in ibu
d. ad
impel
L. de
ad
L. de
mpou
Geiq
in id
pung
u. von
L. de
ad of
at. f
man
owt
ayno
swt
poco
was



Von B. Henrico ynn
 Diedmar verbrand/
 sampt dem zehen-
 den Psalmen
 ausgelegt
 durch
 Mart. Luther.
 Wittenberg.
 1525 Jar.



+



Faint, illegible text, possibly bleed-through from the reverse side of the page.

028

Denn
ich die
Funde
lassen
gen /
lob v
dieser
vnd v
ne da
sen / v
sehen
tes d
mech
anbeg
derlic
en ma
orten
ffer m
liche g
vnd al
tragen
nes re
vnd ve



Martinus Luther Ecclesiastes zu
Wittenberg Allen lieben Gottes auser
weleten freunden ynn Christo
zu Bremen.

Nad vnd fride von Gott vnserm vater
vnd **HEXXX** Ihesu Christo . Aller
liebsten ynn Christo / ich hab die ge-
schicht vnd marter des seligen bruder
Henrichs von Sudphen ewers Euangelisten / so
ich durch glaubwürdige frome leut habe lassen er-
künden vnd eygentlich erfahren / nicht mügen also
lassen ym finstern odder zweyffel verborgen lie-
gen / sondern gedacht / an den tag zu bringen / zu
lob vnd ehren der göttlichen gnaden / wilsche zu
dieser zeyt so reychlich vns verdampfen / verlornen
vnd vnwürdigen gegeben ist / das wyr nicht alleyn
das lauter wort Gottes haben / hören vnd le-
sen / vnd auch an vielen orten / wie die helle sonne /
sehen auffgehen / Sondern auch den geyst Got-
tes daneben fühlen vnd spüren / mit krefftigen vnd
mechtigen thatten / solchs seyn wort / wie er von
anbegyn gepflegt / beweysen vnd bestettigen. Son-
derlich ynn dem / das er so mütige vnd fr eye hertz-
en macht / das beyde prediger vnd hörer an vielen
orten die zal der heyligen teglich mehr vnd grö-
sser machen / da ettliche yhr blut vergiessen / ett-
liche gefangen / ettliche von dem yhrem verlagt /
vnd alle sampt / die schmach des creutzes Christi
tragen. Vnd nu widder komen ist die gestalt ey-
nes rechten Christlichen lebens / das mit leyden
vnd verfolgung / fur der welt grewlich ist anzuse-
hen

hen/ aber köstlich vnd theur für Gottes augen/
wie der Psalter spricht/ Köstlich ist für dem HERRN
AN der todt seyner heyligen/ Vnd abermal Psal.
71. Vhr blut ist köstlich für seynen augen.

Vnter wilschen freylich dieser ewer Henricus
Sudphen am aller bellesten leuchtet / der so eyne
schendliche marter vmb Gottes wort willen ynn
Diedmar erlitten / vnd das Euangelion mit sey-
nem blut so mechtiglich bestettiget hat. Wie wol
die zween Johannes vnd Henricus zu Brüssel
die ersten/ auch zwey seyne liechter worden sind/
durch solche schöne todte / darinnen sie geopffert
sind/ Gotte zum opffer eynes süßen geruchts. Die
her gehört auch Caspar Tauber zu Wien ver-
brand/ vnd Georg Buchfürer ynn Ungern. Vnd
itzt newlich/ als ich bericht byn/ zu Prage ynn Be-
hemen/ eyner verbrand ist darumb/ das er seynen
orden verlassen der vnreynen keuscheyt / vnd sich
begeben hat ynn den Göttlichen Ebestand vnd or-
den der reynen keuscheyt/ Diese vnd yhr gleichen
sinds/ die mit yhrem blut das Bapstum sampt sey-
nem Gott dem teuffel/ ersuffen werden/ Sie sinds
auch/ die das wort Gottes widder die vnreynen
schender/ die newen falschen propheten / so sich
itzt allenthalben regen vnd eynreyssen / reyn vnd
lautter erhalten werden. Denn Gott aus gnaden
on zweyffel sie darumb so leyst sterben vnd yhr
blut vergiessen/ zu dieser zeyt/ da sich so mancher-
ley yrrthum vnd rotten erheben/ das er vns war-
ne/ vnd durch sie bezeuge/ das das die rechte lere
sey/ da der rechte geyst ynnen geben wird / wilsche
sie geleret/ gehalten/ vnd drüber gestorben / vnd
mit

mit y
auch
wille
versig

S
die ier
kelt v
füret
teuffe
yhn g
wellt
Vnd
merte
auch
ehre g
das v
sterbe
gut n
ymb
ymb
ist den
tes ge
ynn v
rechte
stirbt
than
die vb
lesen/
der ler
der et
wille
W

mit yhrer marter bezenget haben / wse vorzeyten
auch die heyiligen Merterer vmb des Euangelij
willen sturben / vnd vns dasselbige mit yhrem blut
versigelten vnd gewis machten.

Solchen rhum haben noch nie mügen haben
die ienigen / so von wercken / menschen gerecht-
kayt vnd freyem willen / die welt geleret vnd ver-
füret haben. Vmb solcher lere willen / tödtet der
teuffel niemands / kan sie wol leyden / Ja gibt
yhn grosse reychtumb / chre vnd gewalt dieser
welt / das sie ruge haben vnd süßes leben füren /
Vnd ob sie drüber stürben / sind sie nicht Gottes
merterer / sondern yhr selbs vnd des teuffels / wie
auch die Heyden vmb zeytlich recht / gut / vnd
ehre gestorben sind / Wie S. Paulus sagt Rom. 5.
das vmb gttus willen / villeycht yemand möcht
sterben / das ist / vmb allerley willen / das die welt
gut nennet / alls reychtum / ehre / gewalt. Senn
vmb rechts willen kaunet yemand stirbet / Aber
vmb Gotes wort vnd glauben willen sterben / das
ist der theure / köstliche / edle tod / der alleyne Got-
tes geiste vnd kindern zustehet. Senn solch sterben
ynn vnd mit sich bringet / das man für die vnge-
rechten / vnd eben für die / so den todt anlegen /
stirbt / vnd für sie ym sterben bittet / wie Christus
than hat / nach dem spruch Isae / vnd er bat für
die vbertretter / Darumb wyr auch keyn exempel
lesen / das yhe eyn Christen sey gestorben / vmb
der lere willen / vom freyen willen vnd wercken / od-
der etwas anders / denn vmb des wort Gottes
willen.

Weyll den der barmhertzige Gott euch zu Bre
A iij men

men so gnediglich heymfucht / vnd so nahet bey
euch ist / dazu seynen geyst vnd krafft so scheynbar
lich vnter euch ynn diesem Henrico erzeygt / das
yhrs greyssen migt / hab ichs für gut angesehen /
seyne geschicht vnd leyden an euch zu schreyben
vnd aus zu lassen / auff das ich ewer hertz ermane
ynn Christo / das yhr nicht betrübt seyet / noch sey
nen mördern ynn Diedmar vbel nach redet / son
dern frölich seyt / Gott dancket vnd lobet / der euch
würdig gemacht hat / solche seyne wunder vnd
gnaden zu sehen vnd habē. Denn seynen mördern
schon allzu viel vnd zu gros vergolten ist / das
sie yhre hende / so iemerlich mit dem vnschuldigen
blute befleckt / vnd sich für Gott / so hoch vnd schre
cklich verschuldet haben. Also / das viel mehr not
ist / vber sie zu weynen vnd zu klagen / denn vber
den seligen Henrico / vnd für sie zu bitten / das ni
cht alleyne sie / sondern das gantze Diedmarisch
land bekeret werde / vnd zum erkentnis der war
heyte kome. Welche frucht tröstlich zu hoffen ist /
das sie folgen werden aus diesem leyden Henrici /
Sonderlich / weyl bereyt viel ynn dem selben lan
de des Euangelij begyrig sind / vnd denen leyd ist /
solch mord vnter yhnen begangen / Denn Gott der
den seligen Henricum hat wollen da lassen ley
den / hats freylich ym synn / das er nicht alleyne
die gottlosen / so sich nicht bekeren / straffen will /
sondern solchen mord vielen ynn dem selben lande
heylsam machen / vnd dadurch zum ewigen leben
helffen. Derhalben bit ich vnd befelh euch ynn
diesem fall / den zehenden Psalmen zu singen vnd
zu lesen / wilcher eben vnd eygentlich hieher ge
höret / so das man vber die merterer nicht betrübt
sey /

sey /
len /
Vnd
samy
fürtz

EY

G

gen /
gent
des
leute
den

1
tzen

3
Gott
wal
ligen
ster
sieg

2
nen

6
das

sey/sondern frölich Gott lobe vmb der frucht wil-
len/die Gott durch yhre marter auff erden wirckt.
Vnd soll mich zwa: nicht verdriessen den selben
sampt euch/legenwertig ym geyst vber singen vnd
kürtzlich auszulegen.

Eyne kurtze auslegung des zehen- den Psalms/von den mertern Christi wilerher sehet also an.

A In Psalm David hoch zu singen von
der iugent des sons. Dieser titel zeygt
an/wo von der Psalm singt/vnd wie er
zu singen sey. Doch soll man yhn sin-
gen/das ist frölich vnd mit lust/Vnd von der iu-
gent des sons/das ist von den merterern Christi
des sons Gottes/wilche sind seyne iunge/starcke
leute durch den glauben ym todt recht völig wor-
den.

1 Ich dancke dem **H E X X I** von gantzem her-
tzen/vnd will deyne wunder erzelen.

Diese wunder sind/wie hernach folget / das
Gott die welt zwingt vnd bekeret/nicht mit ge-
walt/sondern durchs blut vnd sterben seyner hey-
ligen / vnd vberwindet die lebendigen durch die
sterbenden vnd todten / das ist eyne wunderlicher
sieg.

2 Ich frew mich vnd byn frölich/vnd lobte dey-
nen namen du allerhöchster.

Seyn name ist auch wunderlich / gleych wie
das werck/Denn vom werck hat er den namen/
A iij das

das er durch den todt das leben foddert / vnd da
mit eynen **H. L. XXXI** sich beweyset vber leben vnd
todt.

3 Das du meyne feynde hynder sich getrieben
hast / Sie sind gefallen vnd vmbkomen für deyn
nem angesicht.

Deyn selig treyben / fallen vnd vmbkomen / wöl
chs von Gotts angesicht (das ist) durch feyner
gnaden erkentnis kompt / da die gottlosen so fal
len / das sie auff stehen vnd selig werden.

4 Denn du hast meyn recht vnd sache ausge
furt / Du sitzt auff dem stuel eyn rechter richter.

Die sache ist das wort Gottes / darüber vns
feynd sind die gottlosen. Aber Gott füret es hyn
aus / das vnser lere recht bleybt / vnd yhene zu sch
anden werden / Senn er ist eyn rechter richter /
des trösten wyr vns / das er vnser rechte sache ni
cht lassen kan.

5 Du schilttest die Heyden vnd bringest vmb
die gottlosen / Yhren namen vertilgestu ymer vnd
ewiglich.

Also fürestu meyne sachen aus / das du durch
deyn wort sie straffest vnd bekereest / vnd alle yhr
ding zu nicht machst / das man nicht mehr
achtet.

6 Sie schwerdte des feynnds haben eyn ende /
Sie stede kereest vmb / yhr gedechtnis ist weg
mit yhnen.

Das ist / sie lassen ab von verfolgen / vnd wer
den gleubig / das sie nicht mehr yhr vorigs wesen
preysen

preysen odder gedencen.

7 Der HERR aber bleybt ewiglich / Er hat
seynen stuel bereyt zum gericht.

Das ist / seyn wort vnd reych besteht vnd ver-
dampt alle gottlosen mit yhrem wesen.

8 Er richtet den erdboden mit recht / Vnd re-
girt die leut auffrichtiglich.

Das ist / durch seyn wort furet vnd leret er die
welt recht vnd wol.

9 Der HERR ist der armen schutz / Eyn schutz
zur zejt der not.

Denn ob er schon vns lefft anfechten vnd etli-
che tödten / so schützt er sie docht geystlich / das sie
muttig sind / vnd den tod nicht fürchten / sondern
vberwinden. Dazu erhelt er doch daneben / das
wir nicht alle vmbkomen / wie die gottlosen gerne
wolten. Vnd bleybt also ymer dar seyn heufflin
vnd nympt zu.

10 Darumb hoffen auff dich / die deynen na-
men kennen / Senn du verlessest / nicht HERR
die dich suchen.

Sas ist eyn grosser trotz vnd trost / das Gott
vns zusagt / Er verlasse nicht / die nach yhm fra-
gen / Sas sind die seyn wort haben / darinnen
seyn name erkand vnd gepreyset wird / nicht vnser
thun odder name / wie die werckheyligen thun.

11 Lobet den HERRN der zu Zion wonet /
Verkündet vnter den leuten seyn thun.

Sas ist / sucht vnd preysset nür seynen namen /
vnd predigt seyn wort / So wird er widerumb
euch

odert / vnd da
vber leben vnd

sich getrieben
omen für dey-

mbkomen / will
durch seyner
tlosen so sal-
den.

sache ausge-
hter richter.

darüber vns
furet es hyn-
yheue zu sch-
hter richter /
hte sache ni-

bringest vmb
stu ymer vnd

das du durch
vnd alle yhr
nicht mehr

en eyn ende /
tnis ist weg

n / vnd wer-
origs wesen
preysen

euch suchen vnd preysen wie folgt.

12 Denn er gedencckt vnd fragt nach yhrem blute/ Er vergisset nicht des schreyens der armen.

Er leest sie tödten vnd blut vergiessen/ stellet sich als hab er yhr vergessen. Aber er gedencckt gewaltiglich an sie/ vnd schafft / das yhr blut gerochen wird / also/ das der glaubigen ymer mehr wird/ vnd der gottlosen weniger/ yhe mehr sie blut vergiessen.

13 Sey myr **N L A A** gnedig / Sihe an meyn elende vnter den seynden/ Der du mich erhebes aus den thoren des tods.

Das ist/ far fort/ wie du angefangen hast/ vnd hilff ymer weytter/ das wyr durch den todt mehr werden. Denn deyne art ist / aus des todes thoren (das ist) aus der gewalt dere die da tödten/ helffest/ vnd sie vnterdruckest.

14 Auff das ich erzele alle deyne ehre ynn den thoren der tochter Zion/ das ich frölich sey ynn deynem heyl.

Das ich auch yhe mehr forder zu loben habe/ yhe mehr du hilffest/ damit deyn name vnd ehre ymer grösser werde bey den glaubigen/ wie folget.

15 Die Heyden sind versuncken ynn der gruben die sie zugericht hatten/ Yhr fuß ist gefangen ynn netze das sie gestellet hatten.

Das ist/ mit yhrem tödten vnd verfolgen/ tödte sien sich selbs/ vnd bringē sich selbs ymb/ Deū Gott macht dadurch seyn wort stercker/ das es mehr leute bekert denn sonst.

6 Der **N L A A** ist erkant/ das er recht schafft/
Der

Der
hend

zu letz
sen m
gen v
17
den/

S
ym ge
cke/

18
der el
ren se

S
Gott
gen.
dem
nem

19
hand
werd
Das
wort
ym g

20
Hey

W
das e
er sey
tig v

Der gottlos ist verstrickt ynn dem werck seyner
hende Sela.

Er verlest ia nicht seyn wort / Sondern machts
zu letzt offenbar / das es recht sey / vnd die gottlo
sen mit yhren eygen Worten vnd sprüchen gefan
gen werden.

17 Es müssen die gottlosen zur helle gekert wer
den / Alle Heyden die Gottes vergessen.

So sollen wyr widder sie bitten / das sie Gott
ynn gewissen räre / vnd durch vnser wort erschre
cke / das sie erzu komn.

18 Denn er vergisset der armen nicht so gar / vnd
der elenden hoffnunge wird nicht ewiglich verlo
ren seyn.

So'chs wollten wol gerne die gottlosen / Vnd
Gott lessts auch so ansehen vnd die gottlosen obli
gen. Aber er tröst vns hie / das wyr nicht nach
dem ansehen vns sollen richten / sondern nach sey
nem wort.

19 HERR stehe auff / das menschen nicht vber
hand kriegen / las alle Heyden für dyr gerichtet
werden.

Das ist / wie du geredtest / so thu / vnd las deyn
wort weyt erschallen vnter allen Heyden / das sie
ynn gewyssen verdampft vnd erschreckt werden.

20 Setze yhnen HERR eynen lerer / das die
Heyden erkennen wie sie menschen sind / Sela.

Wer sich eynen menschen erkennet / der weys /
das er nichts vnd eytel ist für Gott / darumb lesst
er sey toben vnd vermessenheyt wol / vnd ist demü
tig von eym yderman zu lernen. Solch erkenntnis
aber

em blu
nen.

llet sich
gewal
erochen
wird/
ut ver

n meyn
rhebes

st / vnd
t mehr
s tho
odten /

in den
ey ynn

habe /
d ehre
folget.
ruben
en ym

/ tod
Deu
as es

afft /
Der

aber bringt das wort eusserlich gepredigt. Drumb
fodert er lerer dazu / wie Christus spricht / Bittet
den hausvater / das er erbeyter ynn seyne erndte
sende / Nicht will er mit geystern on lere odder eu-
sserlich wort / an vns handeln / wie sitz ettliche tola-
le propheten narren.

Also sehet yhr hie / meyne liebe herrn vnd freun-
de / wie dieser Psalm vns tröstet vnd hoffen heyst /
das durch das theure blut Henrici / Gott viel guts
vnd nutz schaffen wird / Darumb lasst euch trös-
ten durch solchen Göttlichen trost / vnd helfft bit-
ten mit diesem Psalmen / das seyn name geheyliget
vnd seyn reich gemehret werden Amen. Ich bite
euch vmb Gottes willen / wöltet die leutlin ynn
Diedmar euch lassen befolhen seyn / sie freundlich
trösten / vnd helffen / das sie auch erzu komen /
Denn ich höre / das es vielen aus der massen leyd
ist / solch vnglück durch die Mönich ynn yhrem
lande ausgericht. Das ist eyn guter funcke von
Gott angesteckt / Da will wol eyn gut sewr aus
werden / wo yhr mit freundlichem sanfften geyst
daran handelt / das er nicht ausgelesschet werde.
Last euch auch Jacobum Propst ewren predi-
gern sampt den andern befolhen seyn. Wilsche
Gott mit euch allen stercke vnd gnade gebe. / das
yhr bey der lere / durch Henrici blut versigelt / blei-
bt / vnd wo es Gott fodert / yhm frölich nach-
volget / Amen. Es grüssen euch vnser
brüder alle ynn Christo. Bittet
für vns / Gotts gnade sey
mit euch. Amen.

F
da p
ziehe
trieb
gebet
eyne
er lie
digt
hort
vleyss
meyn
tes 3
wilck
zuwen
en he
Mün
ten si
zu de
wille
halbe
ymb
neler
che K
suche
selbig
die K
halte

Die geschicht von bruder
Henrico Sudphen.

In dem iar vnser^s **HERRN**
tausent funffhundert vnd xxxij. kam Hen-
ricus gen Bremen / nicht das er wolt
da predigen / denn er wolt gen Wittenberg
ziehen / als von Antorff durch die tyrannen ver-
trieben vmb des Euangelijs willen. Aber er ward
gebeten von etlichen fromen Christen burgern
eyne predigt zu thun / wilchs er nach christlich-
er liebe nicht wegerde / sondern thet die erste pre-
digt am Sontage vor Martini. Do yhn das volck
horte / das er das wort Gottes leret / ward er
vleyssig gebeten vnd gefordert von der gantzen ge-
meyne ynn der selbigen pfarre / yhn das wort Got-
tes zu predigen / vnd also bey yhn zu bleyben /
wilchs er eyn zejt lang an nam / solchs mit yhn
zuuersuchen. Do aber die / so man die geystlich-
en heysst / mit namen die Thumherren sampt den
Münichen vnd Pfaffen des ynne worden / wand-
ten sie allen vleys für / yhn mit dem wort Gottes
zu dempffen vnd zuuertreyben vmb yhres geytzes
willen / als denn die weyse ist ynn allen landē. Der
halben sie den ersamen weysen Radt ansuchten
vmb solchen bösen ketzer zuuertreyben / Denn sey-
ne lere vnd predigt were wider die heylige Christli-
che kirche. Da lies eyn weyser Radt auff solch an-
suchen fürfordern die baumeyster vnd oberste der
selbigen pfarre / da Henricus prediget / vnd yhn
die klage des Capitels sampt aller pfafferey für-
halten. Antworteten die baumeyster der pfarre dar
D auff

.Drumb
t/ Bittet
e erndte
oder eu-
liche tols

o freun-
n heyst/
viel guts
uch trö-
elfft bit-
heyliget
Ich bite
tlin ynn
undlich
komen/
ssen leyd
yhem
ke von
or aus
n geyst
werde.
predi-
Wilsche
e / das
it/blet-
nach
r

auff/das sie nicht anders wüsten/ denn das sie ey-
nen frommen gelerten prediger hetten angenommen/
der sie das wort Gottes reyn vnd lauter leret/ Wo
aber das Capitel odder yemants kleyne odder gros
beweyßen könde/ das er etwas wider Gottes wort
odder sonst ketzerrey geleret odder geprediget het-
te / wolten sie yhn ynn keynen weg leyden odder
halten/ sonder/ woltē yhn sampt dem Capitel hel-
ffen verfolgen/ Wo aber die herren des Capitels
sampt andern geystlichen nichts auff yhn bringen
könden/ das er wider Gottes wort geleret hette/
vnd yhn gedechten mit gewalt on alle schuld zu-
uerdringen / wüsten sie das ynn keynerley weg zu
leyden/ Batten der halben mit aller vntertentigkheit
eynen Ersamen Radt/ yhn solchs nicht zumuten/
sonder beym rechten zu lassen/ Sie weren auch ge-
neygt yhren prediger alle zeyt zum rechten zu hal-
ten. Solch antwort lies eyn Ersamer Radt durch
yhre gesandten an das Capitel gelangen. Als aber
die geystlichen das merckten / das sie mit guten
worten nichts ausrichten/ begunden sie zu zürnen
vnd dreyen / vnd von stund lieffen sie zu yhrem
Bischoff vnd zeygten yhm an / wie die von Bre-
men ketzer weren worden / wolten der geystlig-
kheit nicht gehorsam seyn/ mit viel klagen/ wie zu
fürchten were / die gantze stadt möcht verführet
werden.

Da schickte der Bischoff zweyen seyner Rädte
gen Bremen vnd liesse anwerffen / das man yhm
den Münch schicken wolt/ Wenn man aber fraget/
aus was ursach man yhn vberantworten solten/
antworten sie/ er predige wider die heylige kirche/
Frageete iemants/ ynn was vñ wilchen articeln/
wüsten

en das sie ey
angenomen/
nter leret/ Wo
n odder gros
r Gotts wort
prediget het
leyden odder
u Capitel hel
des Capitels
yhn bringen
eleret hette/
lle schuld zu
erley weg zu
ntertentigkelt
ht zumuten/
eren auch ge
hten zu hal
Nadt durch
gen. Als aber
ie mit guten
sie zu zürnen
ie zu yhrem
ie von Bre
der geystlig
gen/ wie zu
cht verführet

eyner Redte
s man yhm
aber fraget/
ten solten/
ilige kirche/
n artickeln/
wusten

wusten sie nichts zu antworten / Vnder wilchen
Redten war der Weybischoff prediger ordens /
wilcher allen vleys furwendet / den fromen Den
ricum zu fangen / fürchtet / seyn handwerck würde
vergehen. Entlich ward yhn von eym Ersamen
Nadt geantwort / nach dem der prediger von yhn
angenomē / mit Keyner schrift vberwunden were /
vnd auch niemant Keynen artickel anzeygen kōn
de / ynn wilchen er vnrecht prediget / wüsten sie
ynn Keynerley weyse bey yhren burgern zu wegen
zu bringen / das yhn die burger folgen würden la
ssen / were der halben yhre vnderthenige bitte / der
Bischoff wölte yhrer gnediger herre seyne hochge
lerten gen Bremen verschaffen / mit yhrem pre
diger zu disputiren / würde er vnrecht funden /
wolten sie mit zymlicher straff den prediger weck
verschaffen / Wo aber nicht / wüsten sie yhn nicht
zu verlassen zc. Aber der Weybischoff antwort vnd
bat höchlich vmb frieden willen eynes gantzē lan
des / man solt yhm den prediger vberantworten /
vnd protestiret höchlich / wie er nichts anders su
chte / denn yhrer seelen seligkelt / hat aber nichts
mögen schaffen / Denn die von Bremen verhar
reten auff yhrer ersten antwort.

Der halben war der Weybischoff zornig vnd
zoch von Bremen hinweg / vnd wolt aus grossen
zorn nachmals der ketzer kinder nicht fermele. Do
nu der Weybischoff wider zu seynem herrn kam /
zeygt er yhm solche antwort an / vnd daneben
was er gehört hatte von den Pfaffen vnd Mānch
en. Darnach da teglichs newe zeyttung kamen /
wle der prediger teglich erger vnd erger prediget
widder die geystlickelt / funden sie eynen andern

D ij radt

radt / vnd fertigen ab trefflich leutte / die von
Bremen zu warnen / ynn wilchen schaden die stad
des predigers halben komen würde / denn er wid-
der Päpstlicher heylgkheit vnd Keyserlicher mae-
stat gepot prediget / daneben anzeygten / wie er
frawen Margreten gefangener were / wilchs yhn
denn grossen schaden zuwenden würde. Brachten
auch aus frawen Margreten dreubrueffe / das sie
yhren gefangen forderte / hat aber alles sie nicht
helffen mögen / denn eyn Ersamer weyser Radt
alle zeyt schriftlich vnd mündlich eynen iglichen
vnuerweyslich antwort gab / Da erdacht der Bi-
schoff mit seynem hauffen eynen andern radt / da
mit sie das wort Gottes dempfften / vnd namen
fur eyn Prouincial Concilium / nicht zu Bremen /
als denn gewonheyt ist / sonder zur Buxstede / das
sie raum hetten mit bruder Henrico zu handeln
wie sie wolten / darzu wurden gefordert vnd geru-
ffen alle Prelaten vnd gelerten des gantzen Bi-
stumbs / da zu handeln / was man glenben vnd
halten solte.

Zu dem Concilio ward der Prediger auch be-
ruffen / doch mit dem vnderfcheyd / man wolte
mit vnd wider yhn procediren / als mit eynem ketz-
er / so er doch vnuberwundē vnd vnuerhöret war /
Der halben die obersten sampt eyner gantzen ge-
meyne yhren prediger bey yhn befielen / denn yhr
bosheyt am tag war. Aber bruder Henrich fasset
seyne predigt / was er leret vnd gleubet / ynn kurtze
articke / vnd schickt sie ynn eynem sendebrieff dem
Erzbischoff / vnd zeygt an seyne vnschuld sampt
den articckeln / vñ erbot sich / wo er yrrt. Das man
yhm aus der schrift anzeygen künde / von solchem
yrthum

yrthum
aber
anzei
schrif
sampt
antwo
man d
ssen si
Keyse
verkö
Predi
ab lie
were
vnd p
ge / v
digt /
ten. W
lich v
rer C
solche
sey / d
leben
ret he
hen / v
gleub
heft h
cket / d
Es h
wörtl
wie w
vnd v
D
der g

yrthum abzulassen vnd zu widerruffen / man sollte
aber yhm seynen yrthum aus der heyligen schrift
anzeigen / denn er seyne lere odder predigt aus der
schrift wuste zu beweysen. Aber solche erbietung
samt den artickeln veracht man / denn yhm keyn
antwort ward. Was aber das vrteyl war / mag
man dabey erkennen / denn als bald darnach lie-
ssen sie des Papssts Leonis des zehenden samt
Keyserlichen mandat zu Worms geschrieben /
verkonden vnd anschlagen. Derhalben der frome
Prediger seyne predigt ymer fort furet vnd nicht
ab lies / daneben alle zeyt bedinget / er wolt vnd
were bereyt yderman antwort zugeben seyner lere
vnd prediget. Die Papisiten aber hatten keyne ru-
ge / vnd sandten teglich yhre Capellan ynn die pre-
digt / das sie yhn fangen moechten ynn seynen wor-
ten. Aber Gott zeygt seyne wunder / vnd bekeret et-
lich von den selbigen / das der meyste hauffen yh-
rer Capellan / die sie hin sandtē / bekant habē / das
solche lere vnd predigt / die warheyt vnd von Gott
sey / der niemand widerstehen konden / den sie yhr
leben lang von keynem menschen solche lere gehö-
ret hetten / der halben sie von yhrem bösen abste-
hen / vnd das wort Gottes nicht verfolgen / sonder
glauben solten / das sie selig warden / Aber yhr bos-
heit hatte sie verblindet vnd mit Pharaone versto-
cket / das sie erger wurden yhrem verdienst nach /
Es hat auch bis auff diesen tag niemands ey-
n wörtlyn auffbringen kunden von allen Mönchen /
wie wol sie teglich ketzerey ketzerey ausgeschryen /
vnd vermögens auch noch nimmer.

Do nu Gott der almechtig die zeyt ersabe / das
der gut Henricus mit seynem blut die warheyt

B ij von

von yhm geprediget/bezeugen solt/ sandte er yhn
vnder die mörder / die er darzu bereyttet hatte/
Denn es begab sich ym xxiiij. Jar/ Kleiner zal nach
Christi geburt / das er geruffen ward von Nico-
lao Boye Pfarrer vnd andern fromen Christen der
selbigen Pfarr zu Meldorff ynn Diedmar / yhn
das wort Gottes zuuerkünden vnd sie aus des An-
tichrists rachen zubringen / denn er gewaltiglich
daselbs regirt/ Welche beruffung er/ als von Gott
an nam/ vñ der halbē yhn zusagt. das er zu yhn ko-
men wolt. Darnach auff S. Catharynen abent
foddert er zu sich sechs frome mitbrüder vnd
bürger/ hielt yhn für/ wie er ynn Diedmar geru-
ffen were/ vnd zeygt yhn an/ nach dem er nicht al-
leyne schuldig were yhn alleyn/ sondern yederman
wers begerte/ das wort Gottes zuuerkünden/ ge-
decht er ynn Diedmar zu zehen / vnd warten /
was Gott mit yhm ausrichten wolt/ bat der hal-
ben/ sie wolten yhm eynen guten radt geben / wie
er am füglichsten möcht dahyn komen/ das die
gantze gemeyne nicht ynnen würde/ vnd seine reyse
nicht verhynderten/ als auch denn geschehen we-
re. Antworten die fromen Christen drauff vnd
baten / er wolt bey yhn bleyben/ vnd ansehen wie
das Euangelion noch fast schwach ynn dem volck
were/ sonderlich ynn den vmblygenden stedten/ vñ
die verfolgung noch gros / vnd ansehen das er
von yhn beruffen were/ das wort Gottes zu predi-
gen. Wolten aber die Diedmarer eynen prediger
haben/ das er eynen andern daselbs hyn schicket/
denn sie wusten wol / was die Diedmarer vor
eyn volck war/ Daneben sie yhm auch anzeygten/
sie wusten

sie w
gung

D
tante
sie son
digter
wund
yhre
yhn g
nen/
bette
gen/
vnd u
nicht
denn
zu pre
als la
vnd o
ben se
nem a
er nich
nen h
heym
yhm
ten/a
gen v
wolt
stellet
neten.
möch
Gotts
terey

sie wüsten yhn nicht zu ziehen lassen/ on verwilligung eyner gantzten Pfarr.

Der gute Henricus antwortet/ wiewol er bekante/ das er von yhn beruffen were/ Doch hetten sie sonst fromer gelerter leute gnug / die yhn predigten. Die Papisten weren auch zum teyl vberwunden/ das auch in fort an/ weyber vnd kinder yhre narheyt sehen vnd richten. Het auch ij. Jar yhn geprediget / Aber die Diedmarer hetten keynen/ Der halben er mit gutem gewissen yhn solche bette nicht abschlagen künde/ Das sie aber anzoogen/ das sie yhn nicht lassen kündte/ sonder wissen vnd willen einer gantzē gemeyne/ schlaffe bey yhm nichts/ Die weyl er sie gantz nicht verlassen wolte/ denn er gedechtenür eyn kurtze zeýt ynn Diedmar zu predigen/ nemlich eynen Monat odder zween/ als lang er eyn fundament selb mündlich gelegt/ vnd darnach widder zu yhn komen/ were der halben seyne meynung vnd bette/ sie wolten nach seyner abzug/ der gemeyne/ seyner beruff / wilchem er nicht widerstehen künde/ anzeygen/ daneben seyner heymlichen abzug entschuldigē/ denn er müste heymlich ziehen vmb seyner seynde willen / die yhm schaden möchten / die tag vnd nacht trachten/ als sie selbs wol wusten/ wie sie yhn vmbbringen vnd tödten möchten / auch anzeygt / wie er wolt bald widder bey yhn seyn. Mit diesen worten stellet er sie zu friden/ das sie yhm zu ziehen vergunneten/ Denn sie verhofften / das die Diedmarer möchten zu der rechten erkentnis komen des wort Gottes/ die sonst fast vor andern volck mit abgötterey beladen sind.

Darnach

Darnach auff montag der ersten wochen ynn
Aduent zoch Henricus mitten durch das Stifft
von Bremen ynn Diedmar / vnd kam gen Mel-
doff / da er denn hyn beruffen war / da er auch
mit grossen freuden von dem Pfarrer sampt an-
dern fromen Christen empfangen ward / Als
bald er dar kommen war / wiewol er noch key-
ne predigt gethan hatte / ward der teuffel zornig
mit seynen gliedmassen / vnd ynn sonderheyt
erregt er Augustinum Torneborch Prior des sch-
wartzen Klosters die man nennet Jacobiter odder
Prediger / wilscher von stund an lieff zu seynem mit
gesellen M. Johan Snicken des Officials von
Hamburg Vicarien odder Commissarien / vnd
hielt radt / was zu thun stünde / da mit yhr reich
nicht vndergienge. Entlich beschlossen sie / das sie
vor allen dingen vorkomen müsten / das er nicht
prediget / denn wo er würde predigen / das yhn
der gemeyne man hörte / so wurd yhre schalckheyt
an tag komen / vnd würde darnach nichts aus-
richten können / denn sie wusten wol / wie es zu Bre-
men zugangen war. Auff diesen beschlus macht
sich der Prior Prediger Ordens des morgens frö
auff / denn er vor grosser sorge die nacht nicht viel
schlieff / vnd kam gen der Heyde auff Sonna-
bent vor dem andern Sonntag des Aduents für
die 48. Regenten des gantzten lands / vnd beklagt
sich höchlich vnd zeygt an / wie der Mönche von
Bremen komen were / das gantze land Diedmar
zuuerkerē / als er den von Bremen gethon hat / hat
te auch zu hülffe M. Günter des landes gemeynen
Kantzler / vnd Peter Hannen / beyde grosse seynde
des wort Gottes / Diese zween hülffen dem Prior
mit allem

mit
lerten
tzen
derh
wür
bring
geler
yhn
nigen
brach
den
zuue
nach
zoch
vnd
ynn
dern
wust
Pfar
dert
won
Kirch
noch
gepf
gantz
wese
guten
vnd
Pfar
nebe
were
er vo
pred

mit allem vleys / vnd hielten den andern 46. vngelerten eynfeltigen für / wie eyn gros lob ynn gantzem nyderland / vnd wie grossen danck sie ynn sunderheyt bey dem Bischoff von Bremen verdienen würden / wo sie diesen ketzerischē Mönch zum todt bringen würden. Do sie das horten die armen vngelerten leut / schrieben sie bald vnd beschlossen / yhn zu tödten / den sie doch nicht gesehen / viel weniger gehört / noch vberwunden hatten. Endlich bracht der Prior eynen brieff odder gebot auff an den Pfarherren von den 48. Regenten / den Mönch zu uerjagen / ehe er prediget / bey der höchsten straff nach gewonheyt des landes. Als bald mit eylem zoch der Prior mit dem gebot gen Meldorff / vnd vberantwortet das dem fromen Pfarherrn ynn der nacht / denn er verhofft / er wolt verhyn- dern / das der Henricus nicht predigete / denn er wuste wol / was yhm daran gelegen war. Als der Pfarherr diesen brieff odder gebot las / verwundert es yhn seer solchs gebots / nach dem es vngewonlich war / das sich die 48. Regenten mit den kirchen bekümmerten / So doch das regiment noch alter gewonheyt des landes / der gantzē eyngepfarten gemeyne zugehöret / Denn es von eyn gantzen lande beschlossen ynn langen gebrauch gewesen ist / das eyn igliche Pfarckirch noch yhrem guten willen eynen Pfarherrn oder Prediger setzen vnd entsetzen gewalt habe. Diesen brieff gab der Pfarherr Henrico zu erkennen vnd zeygt yhm daneben / was des lands gebrauch vnd gewonheyt were / Darauff Henricus antwortet / nach dem er von eynem gantzen Pfarr das wort Gottes zu predigen beruffen were / wolt er der selbigen be-

urtheil
C ruffung

ehen ym
Stift
n Mel-
er auch
npt an-
/ Als
och Key-
fel zor-
derheyt
es sch-
r odder
dem mit
als von
n / vnd
r reich
das sie
r nicht
as yhn
ckheyt
aus-
u Bre
nacht
ns frü
ht viel
inna-
ts für
klagt
e von
dmar
t / hat
eynen
eynde
Prior
allem

ruffung nachkommen / also langes der gantzen ge-
meyne wol gefiel / den man müste mehr dem wort
Gottes gehorchen denn den menschen / wolt yhn
Gott haben / das er ynn Diedmar sterbē solt / der
hymel were da also nahe als anderswo / er müste
doch vmb des worts Gottes eyn mal seyn blut ver-
giessen. Mit solchem mut trat er auff / des Son-
tags darnach / vnd prediget die ersten predig / von
dem spruch Pauli Rom. 1. Testis est michi deus
zc. vnd von dem Euangelio des selbigen tags. Als
bald die predigt aus war / ward die gantze gemey-
ne der Pfarre zusammen gefordert / vnd daselbs von
dem vorigen Prior eyn brieff vberantwort von
den 48. Regenten des landes / das sie bey straffe
tausent reynischer gülden den Mönich nicht predi-
gen solten lassen / vnd daneben mit volmacht yh-
re legaten zu der Heyde schickten / denn da würde
vmb grosser vrsach eyn gantz land zusammen ko-
men.

Als sie diesen brieff hörten lesen / wurden sie fast
zornig / das wider alle lands gewonheit yhn solch
gebot geschēhē / So doch ein igliche Pfarckirch ma-
cht hette / eynen Prediger zuerwelen wen sie wolt /
vnd beschlussen eyntrechtig / sie wolten den fromē
Henricum zu eynem Prediger halten vnd beschir-
men / denn sie gantz entzündet waren von der er-
sten predigt / die sie gehört hatten. Nach mittag
thet Henricus die andere predigt von dem spruch
Pauli Roma. 15. Debemus nos qui potentes zc.
Auff montag darnach sandten die von Meldorff
yhre geschickten zu der Heyda vnd erboten sich zu
recht fur yderman des gantzen landes / Zeygten
daneben / was Christlicher predigt sie gehört
hatten

hetten
den 4
Denn
en / so
berief
steher
seyne
nicht
geitze
cken /
dern d
niem

W
weren
tung
ben d
det / e
tet Pe
wol f
des g
vnd v
re yh
eyn zu
sie de
richt
yhre
det / d
Wer
klar g
rer v
nicht
gedec

heten von Henrico. Dabey schreybt der Pfarrer
den 48. Regenten des landes/wie wider er/noch
Henricus der meynung weren/ auffrure zu mach-
en/sondern das reyne lauter wort Gottes zu leren/
berieff sich/er wolt für eynem yederman zu rechte
stehen mit bruder Henrich / Were der halben
seyne vnterthenige bette/sie wolten den Mönchen
nicht glauben geben / die vmb yhres hasß vnd
geitzes willen die warheyt gedechten vnderzudru-
cken/vnd das wort Gottes nicht verdampten/ son-
dern die warheyt gentslich ersten erforschen/vnd
niemand vnuerhöret verdampten.

Wers sache/das sie vnrecht finden würden/
wären sie bereyt/yhre straff zu leyden. Diese erbie-
tung sampt dem gezeugnis verachten sie / vnd ga-
ben darauff keyne antwort/sondern yederman re-
det/eyner dis der ander das. Zum letzten antwor-
tet Peter Dethleues als eyner von den eltesten/wie
wol fast grosse zwoitacht ynn allen landen were
des glaubens halben/vnd sie als die vngelertsten
vnd vnuerstendigsten die nicht richten können/ we-
re yhr ernstliche meynung / solche sache bys auff
eyn zukünfftige Cöcilium zu schieben/wilchs/ als
sie denn von yhrem Landschreyber M. Günter be-
richt/ynn kurtzem gehalten werden solt/was denn
yhre gute nachbawren halten vnd glauben wür-
det/das selbige gedechten sie auch anzunemen/
Were aber das wort Gottes (als man sagt) nicht
klar gnugsam geleret/vnd yemant das selbige kla-
rer vnd lauter lernen künde / gedechten sie solchs
nicht zuerbieten/den sie keyne auffrur ynn landen
gedechten zu leyden/derhalben ein yederman solt
zu friden

C ij

zu friden seyn / vnd bys auff die nechsten zukünfftigen Oſtern / die sache beruhen lassen / ynn mitler zeyt würde sichs wol ausweyſen / was recht oder vnrecht were. Auff solche antwort war eyn yeder zu friden / vnd zogen die gesandten von Mel dorff heym / vnd zeygten an mit grosser freuden solche antwort eyner gantzen gemeyne / verhoffte die sache solt gut werden.

Am tag Nicolai Episcopi thet er zwo predigt / Die erste von dem Euangelio / Homo quidem nobilis zc. Die ander von dem spruch / Plures facti sunt sacerdotes zc. mit solchem geyst / das sichs yderman verwundert / vnd Gott mit vleys betten / yhn solchen Prediger lang zu lassen. Am tage Conceptionis Marie thet er auch zwo predigt auff das Euangelion / Liber generationis / ynn wilcher er er anzeygt die zusagung die von Christo den Vtern zugesagt / vnd was glauben sie gehabt hette / daneben angezeyt / wie wyr auch mit solchem glauben müsten selig werden / on allen vnsern verdienst / vnd das alles mit solchem geyst / das yderman sich verwundert / vnd Gott vleyssig dancken / das er yhn solchen Prediger zugeschiekt hette / Denn sie nu klar sehen / wie sie durch Mönch vnd Pfaffen versurt sind. Batten yhn auch mit vleys / er wolt die Weynnachten bey yhn bleyben vnd alle tag zwyr predigē / denn sie fürchten sich / das er würde an eynem andern ort gefordert / Ynn mitler zeyt rugete der Prior sampt M. Johan. Sniecken nicht / Denn do der Prior sahe / das seyne bosheit nicht künde fort gehen / zoch er mit Doctor Wilhelmo Prediger ordens zu Lunden / zu den grawen

graw
Mün
nen v
Mün
die ar

2
nach
Peter
vnd z
gewo
volck
n o si
vmb
zwey
schrif
gen /
leute
wort
rer sa
ten sol
mal s
yhr m
gynne
antwo
ynn di
denn v
nichte
das m
gen / v
nen w
gefiel
Mün

grawen Mönchen die man Barfuser nennet odder
Minores / da hülff vnd radt zu suchen / wie er sey-
nen willen vollenden möchte / Denn die selbigen
Mönich fast geschickt sind mit yhrer gleysnerey /
die armen elenden zuuerfüren.

Als bald schickten die grawen Möniche
nach ettlichen von den Regenten / als mit namen
Peter Nannen / Peter Swyn / vnd Claus Roden /
vnd zeygten yhn mit grossen klagen / als denn yhr
gewonheyt ist / wie der Ketzer predige vnd das
volck verführe / wilchs yhm zum teyl anhengig were
vnd sie nicht dazu sehen würden / vnd den Ketzer
ymbrechtten / würd Maria lob sampt den heyligen
zwey Klöstern zu boden gehen / Das war die
schriff / da sie den Ketzer gedachten mit umbbrin-
gen / als geschach. Als die armen vnuerstendigen
leute das höreten / wurden sie zornig / vnd ant-
wort drauff Peter Swyn / man hette dem Pfar-
rer sampt Henrico geschrieben / wes sie sich hal-
ten sollen / wers von nöten / sie wolten noch eyn
mal schreyben. Antwort der Prior / Neyn / denn
yhr müßt der sachen anders beykommen / denn be-
gynnet yhr dem Ketzer zu schreyben / wird er euch
antworten / vnd würdet on zweyffel auch mit
ynn die Ketzerey komen / che yhr gewar würdet /
denn würde er zu wort komen / möcht man yhm
nichts anhaben / Da beschlossen sie eynen radt /
das man yhn ynn der nacht heymlich müste san-
gen / vnd als bald verbrennen / che das land yn-
nen würde / vnd er zu worten keme. Solcher radt
gefiel yhn allen woll vnd sonderlich den grawen
Mönchen. Auff solchen radt wolte Peter Nan-

nen als eyn sunderlicher freund des Priors / den
dancck verdienen / vnd zoch zu sich etliche Zimmer
ral aus andern dörffern mit hülffe vnd radt M.
Günters. Man solt hie billich der namen schonen/
nach dem sie aber ehre gesucht haben zuerlangen/
mus man sie yhrer ehre nicht berauben. Das sind
die namen der Heubtleute.

Peter Nannen / Peter Swyns sone / Dennick
zu Lunden / Johan Dolm / Lorentz Hanneman /
Ludwick Hanneman / Bastel Johan Bren /
Claus von Weslingburen / Brosi Johan zu wo
ckenhausen / Marquard Kremer zu Neustede / Lu
decke Johan zu wessing / Peter gros Vogt zu Nem
mingsstet. Diese heubtleut sampt den andern die
sie bey sich hatten / wurden gefordert auff die
Pfarr zu der Newen Kirchen / vnd kamen ynn M.
Günters des schreibers haus zu samem / vnd hieltē
radt / wie sie yhn siengen vnd nicht zu worten ko
men lieffen den das vrteyl schon geschlossen war/
das sie den guten Henricum brennen wolten / be
schieden sie sich zu samem auff den andern tag
nach Conceptionis gen Nemmingsstet / eyn hal
be meyl von Meldorff / vnd belegten mit vleys die
strassen zu Meldorff / auff das sie niemand war
net / Ward auch verordnet / das auff alle dörffern /
als die nacht kam / vnd man Aue Maria leutet / so
zu samem kam. n / Vnd kamē zusamen bey die funff
hundert bawren. Als sie nu zusamen komen wa
ren / ward der öffentlich angezeygt / aus was vr
sach sie geruffen weren / denn niemand / on die
Hauptleute wusten die ursach / vnd was sie thun
soltten. Als der gemeyne man das höret / wolten sie
zu rucke ziehē / vnd solche böse that nicht begehen /
Aber

Aber
fort zu
tunne
weren
schleg

D
yhn li
vnd d
Nater
Denn
Zielen
les wa
ren ge
cher /
namen
mit ge
schlah
auff d
men yh
ander
sie hett
nach a
vbet h
rich ey
schluge
ren / v
cken / z
Peter Y
sonst ey
vnd sag
folgen
der yhr

Aber die Hauptleute geboten yhn bey leib vnd gut
fort zu ziehen. Datten auch gesoffen daselbs drey
tunnen Hamburger bier / das sie deste mütiger/
waren / Vnd kamen ynn der mitternacht vmb xij.
schlege mit gewapenter hand gen Meldorff.

Die Jacobiter odder Prediger Mönich gaben
yhn liecht vnd sackeln / das sie ia sehen künden/
vnd der gute Henricus nicht entlauffen künde:
Daten auch eynen verreter bey sich mit namen
Dennigs hans / wilcher alle ding verraten hatte/
fielen mit gewalt ynn die Pfarr / zuschlugen al-
les was da war / als der sollen vnsinnigen baw-
ren gewonheyt ist / Kannen / Kessel / Fleyder / be-
cher / Was sie aber funden von silber vnd gold/
namen sie mit / fielen auch zu dem Pfarrer eyn
mit gewalt / hiewen vnd stachen vnd schrieben/
schlag todt / schlah todt. Eyns teyls stiessen yhn
auff die strassen nackend ynn den dreck / vnd na-
men yhn gefangen / er solte mit yhn gehen / Das
ander teyl schrey / man solt yhn gehen lassen / denn
sie hetten Keynen befelch / yhn zu fangen. Dar-
nach als sie yhren mutwillen mit dem Pfarrer ge-
vbet hatten / fielen sie zu dem guten bruder Hen-
rich eyn / vnd namen yhn nacket aus dem bette /
schlugen / stachen / wie die vnsinnigen sollen baw-
ren / vnd bunden seyne hende fast hart auff den ru-
cken / zogen vnd stiessen yhn also lange / das auch
Peter Tannen mit barmhertzigkeyt bewegt / der
sonst eyn gyfftiger feynd des wort Gottes war /
vnd sagt / das man yhn gehen lieffe / er würde wol
folgen / befolten yhn Balcke Johan zu leyten
der yhn mehr schleppet den furte. Als sie yhn
gen

gen Denningstet brachten/fragten sie yhn/wie
er yns land komen were / vnd was er da such-
te/antwort er yhn freundlich mit der warbeyt/
das sie auch bewegt wurden vnd rieffen/ nur weg
mit yhm/wo wyr lange yhn höreten/würden wyr
mit yhm ketzer werden. Do begerte er/ das man
yhn auff eyn pferd setzen wolt/ denn er seer müde
vnd mat war. vnd seyne füsse yhm gantz wund wa-
ren/den er ynn dem kalten vnd eyse die nacht nack-
ent vnd barfus gegangen vnd gefüret war / Als
sie das höreten / spotten sie vnd verlachten yhn/
vnd sprachen / ob man dem ketzer pferde halten
sol/er müste doch wol lauffen/ schlepten yhn al-
so dienacht bis zu der Heyde/ Da brachten sie
yhn ynn eynes mans haus mit namen Raldenes/
vnd wolten yhm eynen stock mit eysern Ketten an-
gehenget haben/aber der hausvater hatte mitley-
den / vnd wolt solchs nicht leyden/Da er yhren
mutwilen nicht wolt gestatten/brachten sie den
guten Henrich ynn eyns psaffen haus mit namen
herr Meyner Nozeken eyn diener des Officials
von Hamburg/schlossen yhn ynn eynen Keller/vnd
gaben yhn den sollen bawren zuuerwarē/ die yhn
fort an die gantze nacht verspotteten vnd verböne-
ten/ Vnder andern kam zu yhm herr Simon Pfar-
rer von Altenworden/vnd herr Christian Pfarrer
von der Newen Kirchen/beyde fast vngelerete ver-
folger des wort Gottes / frageten yhn / aus was
vrsach er das heylige Kleyd abgelegt hette/ wilsch-
en er freundlich aus der schrift antworte/aber sie
verstundens nicht/was er saget.

Kam auch zu yhm M. Günter / fraget yhn/ob
er wolt lieber an den Bischoff von Bremen ge-
schickt

Schick
lohn
was
den si
gesch
er wil
geme
Des
march
ffen d
so we
ehre g
lassen
hilfft
Also
fewer

Da
ten he
fewer
en Mü
leute v
recht n
volck .
hals/
geschre
eyne fr
vnd iar
der gut
vber m
bereyt
Do ka
da zu e
den gu

schickt seyn / odder lieber ynn Diedmar seynen
lohn empfangen. Antwort Henricus / hab ich
was vnchristlichs geleret odder gehandelt / kün-
den sie mich wol drum straffen / der wille Gottes
geschehe. Antwort M. Gänter / hört lieben freunde /
er will ynn Diedmar sterben. Aber das volck ynn
gemeyne wartetē die gantzē nacht yhres sauffens.
Des morgens vmb achte / giengen sie auff dem
marckt zu radte / was yhn zu thun stände. Da rie-
ffen die follē bauren / ymer verbrent / zum fēwer zu /
so werden wyр heute von Gott vnd von den leuten
ehre gewynnen / Dennyhe lenger wyр yhn leben
lassen / yhe mehr er mit seiner ketzerey verkert / was
hilfft viel langs bedencken ? er mus doch sterben.
Also ward der gute Henrich vnuerhöret zum
fēwer verdampt.

Darnach ward ausgeruffen / alle die yhn het-
ten helffen fangen / solten mit yhrer wehre mit zum
fēwer hynaus ziehen / Da waren auch die graw-
en Mānich odder Barfuser / sterckten die armen
leute vnd sprachen / Itzund gehet yhr der sachen
recht nach / vnd hetzten das arme elende truncken
volck . Do namen sie yhn vnd bunden yhn mit
hals / füsse / vnd henden / fürten yhn mit grossen
geschrey zu dem fēwer. Als dys geschach / stünd
eyne fraw yñ yhrer hausthür vñ sach dieses elend
vnd iamer / vnd begund bitterlich zu weynen / sagt
der gute Heynrich zu yhr / liebe fraw weynet nicht
yber mich. Als er an die stat kam / da das f. wer
bereyt war / sass er nider fur grosser schwacheyt.
Do kam der Vogt / Schösser Maes durch gelt
da zu erkaufft / als man gleublich saget / verdampt
den guten bruder Henrich mit diesem sententz
D odder

odder vrteyl zum fewer / Dieser böswicht hat ge
prediget widder die mutter Gottes vnd widder
den Christen glauben / aus wilcher ursach ich
yhn verurteyle / von wegen meyns gnedigen herren
Bischoffen von Bremen / zum fewer / Antwort
der gute bruder Heynrich / das hab ich nicht ge
than / doch **N L X X** deyn wille geschehe / warff
auff seine augen ynn den hymel vnd sprach / **N L X**
X L vergib yhn / denn sie wissen nicht was sie
thun / deyn nam ist alleine heylig hymlicher vater.
Do gieng hyn zu eyn gute Christliche frawe
Claus Jungen fraw mit weibs namen / eyn schwe
ster Peter Nannen / wonhafftig zu Meldorff / fur
das fewer vnd erbot sich / man solt sie zur staupen
schlagen / auff das yhr zorn gebüffet würde / dar
zu wolt sie tausent gülden geben / man solt den man
nur widder eyn setzen / bis auff den nechsten mon
tag / das er von dem gantzen lande verhoret wür
de / vnd denn verbrant. Do sie das hörten / wur
den sie rasend vnd vn Sinnig / vnd schlugen die fraw
en zu der erden / tratten sie mit füßen / schlugen mit
aller gewalt den guten Martyr Christi / Lyner
schlug yhn mit eynem stostegen ynn den hyrn sche
del / Aber Johan Wolm von der Newen Kirchen
schlg yhn mit eynem fausthamer / Die andern
stachen yhn ynn seyne seyten / ynn den rucken / ynn
die armen / wo sie yhn nur erreychen kunden /
vnd nicht eyn mal / sondern als offft er begund zu
reden.

Do ermannet vnd hetzet das volck **M. Günter**
vnd rieff sie an vnd sprach / frey zu lieben gesellen /
hie wonet Gott bey. Darnach brachte der selbs
ge **M. Günter** eyne yn gelerten grawen **Münich**
zu

zu yhr
der M
was
der M
der L
du my
Mün
nicht
wenig
lugen
sich v
seiner
auffg
gen s
hart l
ffen.
glaub
eyner
solt e
wolt
vnd b
nen l
das
viel r

I
Da
bige
scha
leyte
mitt
der l

zu yhm das er beichten solt/ Sprach aber zu yhm
der Merterer Christi/ bruder/ hab ich dyr auch ie
was zu leyde gethan odder sie erzürnet? Antwort
der Mönich/ neyn/ Sprach zu yhm der gute bru-
der Henrich/ was soll ich dyr denn beychten? das
du myr vergebē soltest Da schempfte sich der graw
Mönich/ vnd trat zu ruck. Das sewer aber wolt
nicht brennē/ wie oft sie es anzundteten/ Nichts
weniger ybten sie yhren mutwille an yhm/ vnd sch-
lugen yhn mit helbarten vnd spiessen. Das verzog
sich wol zwō stunde lang/ ynn wilcher zeyt er ynn
seinem heimbd nackend für den bawren stund/ mit
auffgehoben augen ynn den hymel. Zu letzt krie-
gen sie eyne grosse leyter/ auff wilche sie yhn fast
hart bunden/ auff das sie yhn ynn das sewer wūr-
ffen. Do hub der gute Martyr Christi an seynen
glauben zu sprechen/ Schlag aber eyner her mit
eyner faust ynn seyn maul/ vnd sprach zu yhm / er
solt erst brennen/ darnach möcht er lesen was er
wolt/ Da trat eyner mit eym fusz auff seynebrust/
vnd band yhn also hart an eynen sprüssen an sey-
nen hals / das yhm maul vnd nase blutte/ auff
das er ersticken solt / denn er sahe/ das er von so
viel wunden nicht sterben kunde.

Dar nach richteten sie yhn auff mit der leyter/
Da setzt eyner die hellebarten an die leytern die sel-
bige helffen auffzurichten/ denn das land keynen
scharffrichter hat/ Da gleyt die hellebart von der
leytern ab/ vnd durch stach den heyligen Merterer
mitten durch / Warffen also den guten man mit
der leytern auff das holtz/ Aber die leyter sprang

D 4 zu der

ht hat ge
d widder
rsach ich
en herren
Antwort
nicht ge
e/ warff
h/ D L X
was sie
der vater.
e frawe
yn schwe
oorff/ für
r staupen
rde/ dar
den man
ten mon-
ret wūr-
en/ wur-
die fraw
ugen mit
/ Eyner
yryn sche
Kirchen
andern
en/ ynn
kunden/
gund zu
Günter
gefallen/
er selbst
Mönich
zu

zu der seyten ab / Da lieff zu Johan Dolm vnd
nam den fausthamer vnd schlug yhn auff seyne
brust / also lange / das er starb / das er sich dar
nach nicht regete / Brieten yhn also
auff den Polen / denn das holtz
wolt nicht brenne.

Das ist kürtzlich die ware Historien von dem ley-
den des heyligē Murrers Henrici von Sudphen.


















Don B. Henrico ynn
Diedmar verbrand/
sampt dem zehen:



+